

## **Totonaco Central del Sur**

**Traductora: Melygali Santes López**

### **1.- kakuentajtlawa nachuna kakakuentajtlawa militalakgapásni, katlawastala uma tutakilhwamana makgtayananín:**

Akan nachikinána niakgpuntúm nawaxnanána paraniwa nawanilenán tilan katsi niku tlan nataya míñchit, chika nachakga'an tiyat akán namin sin na'akgtapumi míñchik.

Kakuenta tlawa paraniku tasuyu aya takgpuspima poste chi kiwi, nachuná paraniku aya taskganit banqueta chu pátsats, paraniku chuna na'ukxila palajtunka katatampuxtu, nitu atutiókgpulayán.

Katsiyata' pi anta niku nitu kiwi, pala chakga'an tiyat akan míñ sin, nitu li'akatsiya akán natapanxkgaminachá.

Para na'ukxilha, aya tsukucha tapanxa pala tunkán katatampuxtu.

Paralakaskina tiku nastakyawayán akan natlawaya minchik anta niku nitu na'okgpulayan, kakagalaskinti tiluwá talakgayana e'e taskújut kminpulatamat. Para wi tutlakg katsiputuna kaputsananti nak [www.proteccioncivil.gob.mx](http://www.proteccioncivil.gob.mx) chi [www.cenapred.gob.mx](http://www.cenapred.gob.mx) "matsujimanaw México anta niku nitu na'okgpulay"

### **2.- kakuentajtlawa nuchuna kakakuentajtlawa militalakgapásni, katlawastala uma tutakilhwamana makgtayananín:**

Para lakatsu kpupunú wila, kakgalhaskininanti parachunatiya lakaks wi ama tu'alisokg makatsininán parana tanuyachi lanka kaunín (SIAT-CT): akan nilu xakasnún amaj tanuyachi un (xaspupuku natasuyu ama tulimakatsininankán), akan kaj tsinu natanuyachi (xkayiwa nawán), akan kaj lu tsinu natamakgalhkatsi (xasmukuku natasuyu), akan xakasnún (xajakawa nawán) chu akan lu xakasnún ( xaspinini' natawilayachi)  
"matsujimanaw México anta niku nitu na'okgpulay"

### **3.- kakuentajtlawa nuchuna kakakuentajtlawa militalakgapásni, katlawastala uma tutakilhwamana makgtayananín:**

Para na'ukxilha amaj tawilayachi lanka kaunín kminpulatámat kakakgalhaskinti mapakgsinanín tiluwá talakgayana e'e taskújut, wa natawanilenán tuku militlawat akan napulakatunu tapasayay ama tuwi pulakitsis xalimakatsinín CIAT-CT chu palakaputsa tunkán niku lakatsu ya chiki tiluwa katlawanikanít akán tunitlán lay talakgaputsit kxpulatamatkán, tlan anta napina katamakgtawilakgeya' minkamán chu putum militalakgapásni; nitukapuwanti wakg anta nakamawikanátit nachuna nakamaxikanátit lhákbat tu nalhayakgátit. Kajmanwa kalipi tulu tu xlakaskinka, lachu lamaj minkápsnat tu lu xlakaskinka(minkápsnat anta niwán akan lakachitanita, mincredencial xla elector, minkápsnat xla minputáwilh chi xla minpukuxtu)putum kakatlawa

kakamuju nak bolsa laki ninastastája chu kamujupara nak mimuchila chi kmimurrall tukaj nakgetawakáya laki tlan nakamatsujya mimakan. Para wi tutlakg katsiputuna, kakaputsanáni mapakgsinanín xalak minpulatámat titapuxkunít tamakgtayanamana.

“matsujimanaw México anta niku nitu na’okgpulay”

#### **4.- kakuentajtlawa nuchuna kakakuentajtlawa militalakgapásni, katlawastala uma tutakilhwamana makgtayananín:**

Para kminpulatámat lakgatum tanuyachi chuchut akan STAKNANÁN ¡katatampuxtú para lipekua lawaka tsasán! Nikatlawanti nachuna nikaxkiwatnantáuti paralakgtum lakgonít chuchut katijinín. nikapatakut’ti kgalhtúchokgo. kapit niku lakatsu makgtawilamakgokga, limakgoa natitaxtukgoy ama staknaná.

Ninapatsankgaya nalipina minkápsnat tuluxlakaskinka nakamujuya kbolsa laki ninastastája.

Nikatlawu minchik niku lupuskan, nipara lakatsu kkgalhtúchokgo, nachuna niku skaktajukgonít puxkga chika xamakgtum nawas taxtuyachi chuchut akan min lankasin natitiyakgoy minchik. Para wi tutlakg katsiputuna, kakakgalhásinki mapakgsinanín titalakgayana e'e taskújut kminpulatámat. “kmatsujimanaw México anta niku nitu na’okgpulay”

#### **5.- kakuentajtlawa nuchuna kakakuentajtlawa militalakgapásni, katlawastala uma tutakilhwamana makgtayananín:**

Akan TACHIKI TIYAY nikapekuanti kapit niku chakatsiya natamakgtayaya. Parataskganít minchikit uschi kaj sekget chu tiyat liya, chi kaj papákgilhat u lámina, cuenta katlawa pala kataxtu, nitu na’aktamayán u naka’aktamay laktsu minkamán. Xlakaskinka, tiwanta naúxiltilhaya laku ya minchik. Niákgpuntum kamapasi ciriyu nipara cera, pulh ka’uxilhti para paranilhukun mintanque xlagas kakuenta tlawa paranininkaláy. Kakalakgalhásinki tiluwa talakgawilana uma taskújut wa natawaniyán paratlanku nawán minchik akán natitaxtukgoy uma talakgapútsit.

“kmatsujimanaw México anta niku nitu na’okgpulay”

#### **6.- Kakuentajtlawa nuchuna kakakuentajtlawa militalakgapásni, katlawastala uma tutakilhwamana makgtayananín:**

Para xamakgtum nalam pasáy Ihkuyat nimalhkuyúya chu parali’uka napunchatayáy nalipasáy minchik, tunkán katilh lakgamúnu, chimpara wi milámina kakgalhmauka ama skgonú laki nichunta napuntayáy. Parana’uxilha pinila mixa ama Ihkuyat liuka para lipekua talawi xajíni, lakgasiyu kakilhputa, kilhputa taxtu kminchik, kalikinkgachipakanti nachuná kalikgalhchipákanti

xastája lhákg.  
palajtunkán kakatasáni makgtayaninán watiluwa talakgayana e'e taskújut nak minpulatámat.  
“kmatsujimanaw México anta niku nitu na'okgpulay”

## **7.- Kakuentatlawa nuchuna kakakuentatlawa militalakgapásni, katlawastala uma tutakilhwamana makgtayanán:**

Nikamakganti ciriyu, nipara xkinkán cigarru chu vidrio nakakiwín, kajwa akán lipekua chininín napasáy, nalhkuyuwalikgóy ama kakiwín. Parana'uxilha nilhkutawilána kakiwín, nikatalakatsuwi chika natakgawiya. Palajtunkán kakamakatsini tiliwa talakgawilana uma taskújut nakminpulatámat.

Kaskinti talaskín akán tuku Ihkuyuputuná. Paranalhkuyunána, kakamakatsini mintalakatsu, laki xlakán chakatsiya natatawiláy, akán natapunchayawaputún Ihkuyat watunkán pala nata'an makatsininán chímpara nata'ukxilha laku natatamamixiyán ama skgonú.

Para na'uxilha pili'uka punchatayáma ama Ihkuyat, kamakatsinínanti nakpuchuwín chu nak CONAFOR paralakatsu wi kminpulatámat chimpara kakilhpi nak 0180046236346, laki wa tunkán nata'anacha natamakgtayaninán ama xmamixaninanín Ihkuyat.

“kmatsujimanaw México anta niku nitu na'okgpulay”

## **8.- Kakuentatlawa nuchuna kakakuentatlawa militalakgapásni, katlawastala uma tutakilhwamana makgtayanán:**

Paralakatsu wila nimixima sípij, chakatsiyaj katawila, kakuentatlawa lanatalakgpalitlháy semáforo tumakatsininán para xasnun tu amaj lay. Para nitu anan xaxkayiwa natawilayachi; xasmukúku wanputún pichakatsiya' katawila (kalakgasiyuja kamakaxti tunalipina akan nataxtuya); paranatawilayachi xaspinini e'e wanputún pinidlán tu'amalay (kapinkgeya makgtawilaya tsinu anta nilkgamakgat wi ama sipij tumixinawi).

Parana'uxilha lipekua taktamachi Ihkaka', kalitakinkgatlapa nachuna' kalitakgalhtlapa maktúm payu chimpara aktsu lhákgat, kajwa ama Ihkaka' natsukuya lilakalhkuya nachuna namakgawi minpujáyan.

Nikawali minpulakáwan tukaj lakatanukán wa kawali tukaj natalakganuya. Liwana kamalakchuwa mimalakchi chu miventana nikataxtu kminchik. Para niku palakii tsinu na'uxilha kalilakgaxkget'ti xastaja lhákgat.

Nachuna' paralán tawila putlun nilapat kalakaputsa niku tsinu katalhmán anta kapit, nachuna' kalhkgamakganti ni lipekua tanuyachi chuchut.

Li'uka paralipekua lama lankasin níkatawila lakapán, kajwa akán natapanxacha tiyat na'akgtapumiyán.

“kmatsujimanaw México anta niku nitu na'okgpulay”

**9.- Kakuentajtlawa nuchuna kakakuentajtlawa militalakgapásni,  
katlawastala uma tutakilhwamana makgtayananín:**

Paralakatsu kxkilhtun kpupunú wila, akan palha natachikiy tiyat xamakgtum namalakgaputsiyán paralipekua namapuchayawáy chuchut. Paranatsuku talalhkgamakgán xkilhtun ama pupunú li'uka paratlantiya na'ukxilha kata spupuku xtanpun, ;palajtunkan katatampuxtu, makgat kapit, kaputsa niku katalhmán anta niku ninatitiyayán ama Lanka pupunú!

Kakgaxpat'tilha laku makatsinínámaka xlikalanka pulatámat para'amaj tanuyachi ama Tsunamis (SINAT)nachuna kakakgalhakgáxpat'ti tutamakatsinínámána kminpulatámat tiliwa talakgawilana e'e taskújut "kmatsujimanaw México anta niku nitu na'okgpulay"

**10.- Kakuentajtlawa nuchuna kakakuentajtlawa militalakgapásni,  
katlawastala uma tutakilhwamana makgtayananín:**

Akán lukalónkgni(akan kakgawíwi)nikaj lakatum katawila xawachi nachuna' liwana katalakchuwatánu, kagot 'ti tu lakchíchi nachuna' lhuwa kakgotnunti, kawat tulakgsákgsi xtawakat kiwi nachuna wa katlawa mintawáj lama xalakgskata nipxi, máyak, tsawa,mustúlut, nachuna liwana kalitamakgsnápu nima tsitsi milhákgat chu akan nalhtataya kaliwana lhákga mintsumit. Paraskgomputúna nikawali lhkúyat nak anafre, nachuna' nikatatalakgachitánu jíni paralimalkuyupat kiwi kajwa makgatatatlayán. Kakuenta katlawa laktsu kamán chu lakgolón chu wati nilaliwanaj katlawakán ksakstukán kaj xlakán nilak kakamamán pala witunatalilaní lónkgni.

Kakatalakglakatsúwi tiliwa talakgawilana e'e taskújut xawa kuchinanáin, laki wa natawanilenán tu militláwat akán uma kasnún kilhtamakú.  
"kmatsujimanaw México anta niku nitu na'okgpulay"

**11.- Kakuentajtlawa nuchuna kakakuentajtlawa militalakgapásni,  
katlawastala uma tutakilhwamana makgtayananín:**

Nimapatsankgaya pi ama laklanka kakiwin chu kalankakákiwi talitástokga chúchut akán minsin, chu talaktsikitaxtuyacha xtampin tiyat wachu tlan likgotnuná. Nikakát nachuna nikalhkuyuwali niwilakgolh laklanka kakiwín chu kalankákiwi, ;kamaktayáw katuxawat kajwa lutuwa la e'e lamanáw NIAJTU LAPUTUN!

Kakalakgtalakatsuwi tiliwa talakgawilana uma xataskújut wa natawanilenán tumilitlawat paraxamakgtum naláy uma tulichuwinamanáw.  
"kmatsujimanaw México anta niku nitu na'okgpulay"

## **12.- Kakuentajtlawa nuchuna kakakuentajtlawa militalakgapásni, katlawastala uma tutakilhwamana makgtayananín:**

Paraliwana latamaputunáw kinchikán pulh kalimatsukiw kakuentatlawaw.

Xlakata nakatsiya tumilitlawat akán paratu'aku naláy nitlan talakgaptsit , chimpura tu aya lamaj nawán uschi tu'aku amaj titaxtúy, ka'ukxilhti laku namákxtum tlawaya TU LUXLAKAXKINKA NAKALIMAKUANIYÁN.

Ka'ukxilhti paratlanku tuliyakgolh minchik laki tlan chakatsiya natawilaya'.

Kakuentatlawa parawi lakatsu tunitlan nalitalakgaputsi míñchik, lachu lama pumaknila', parawila lakatsu kpupunú, chi lakatsu kalhtúchokgo, uschi namakgxtakanacha' chuchut nilakgachiwilikanitancha'.

Katlawalakgxtu nilakpina akán natsalaya paraxamakgtúm tuku naláy nachuna anta niku napina makgtawilakgeya.

Chakatsiyaj kawali milimakgskgo, atsu miradio xapila, milíspekg, chu lata tuluxlakaskinka likuchu tuwatunkán namaklakaskína, nachuna' xanúmero teléfono ninakilhpiniya tinamakgtayayán, ninapatsankgaya minkápsnat tulu xlakaskinka xawa xlaminkamán, liwana kakamuju nak bolsa anta niku nitu natalaníy lan kakgalhchi. Nachuna parakgalhiya latsu mintakgalhín na'alitsókg nakaputsaniya niku nakamakiya laki nitu natalani tlakg nakatalipiniya xtawajkán, limakgua natitaxtu ama talakgapútsit.

"kmatsujimanaw México anta niku nitu na'okgpulay"

## **12.- Kakuentajtlawa nuchuna kakakuentajtlawa militalakgapásni, katlawastala uma tutakilhwamana makgtayananín:**

Paraliwana latamaputunáw kinchikán pulh kalimatsukiw kakuentatlawaw.

Xlakata nakatsiya tumilitlawat akán paratu'aku naláy nitlan talakgaptsit , chimpura tu aya lamaj nawán uschi tu'aku amaj titaxtúy, ka'ukxilhti laku namákxtum tlawaya TU LUXLAKAXKINKA NAKALIMAKUANIYÁN.

Ka'ukxilhti paratlanku tuliyakgolh minchik laki tlan chakatsiya natawilaya'.

Kakuentatlawa parawi lakatsu tunitlan nalitalakgaputsi míñchik, lachu lama pumaknila', parawila lakatsu kpupunú, chi lakatsu kalhtúchokgo, uschi namakgxtakanacha' chuchut nilakgachiwilikanitancha'.

Katlawalakgxtu nilakpina akán natsalaya paraxamakgtúm tuku naláy nachuna anta niku napina makgtawilakgeya.

Chakatsiyaj kawali milimakgskgo, atsu miradio xapila, milíspekg, chu lata tuluxlakaskinka likuchu tuwatunkán namaklakaskína, nachuna' xanúmero teléfono ninakilhpiniya tinamakgtayayán, ninapatsankgaya minkápsnat tulu xlakaskinka xawa xlaminkamán, liwana kakamuju nak bolsa anta niku nitu natalaníy lan kakgalhchi. Nachuna parakgalhiya latsu mintakgalhín na'alitsókg nakaputsaniya niku nakamakiya laki nitu natalani tlakg nakatalipiniya xtawajkán, limakgua natitaxtu ama talakgapútsit.

"kmatsujimanaw México anta niku nitu na'okgpulay"

### **13.- Kakuentajtlawa nuchuna kakakuentajtlawa militalakgapásni, katlawastala uma tutakilhwamana makgtayananín:**

Ka'ukxilhti para liwana takgalhchuwanit xatanque migas nachuná paraníniku chalhukún xatubu laki ninatamakgán. Para'aya kgalhi 10 kata mintanque kaputsa tina'uxilha paratlanku naliláya.

Akan namatsamáya mintanque ka'uxilhti paraniniku tachutanít, paraxapatachuta namaxikána nikamakglhtinánti. Nachuna ninapatsankgaya pi anta nayawáya mintanque ninitukuwi laki tlan nalakgapasnochga un. parakinkalama gas nikamapasi milimakgskgo, nipara ciriyu chu líxkuli xawa lata tuku lipirinxá Ihkuyat, laki ninalipasáy mintanque chi ninalilakgpangka; kamalaki laki na swan tanú un, ni natatalakgachitanuya latakinkalama ama gas, paljtunkán kakatasani xmamixinanín Ihkúyat.

Paraniku takinkgawanán gas u paraniku tuku Ihkutawilana kamakatsininánti nak 066.

Kakalakgtalakatsuwi tiluwa talakgawilana uma xataskújut wa natawanilenán tumilitlawat paraxamakgtum naláy uma tulichuwinamanáw.

“kmatsujimanaw México anta niku nitu na’okgpulay”

### **14.- Kakuentajtlawa nuchuna kakakuentajtlawa militalakgapásni, katlawastala uma tutakilhwamana makgtayananín:**

¿Katsiyata pilakchaján chu lakchixkuwín lakxtúm natalimakuan akan tuku nalay talakgaputsit nakinpulatamatkán watunkán pala nata'an tamakgmakgtayaninán akán nawankán paratu nitlán amaj lay? Lakchaján chu lakchixkuwín lakxtúm limakuana, wa e'e xpalakata kalimakatsinimán pi kalakapásti laku natlawaya xlakata nitu natalani minkamán chu xliwakg militalakgapásni akán tuku nitlan naláy talakgapútsit kminpulatámat, wakg kakawani tu xlitlawatkán maski laktsuku, kasia tsumat chu kgawasa nitutlawáy xla maski nilán kgalhtawakganít; laki nata'akgatáksa pitlan natitaxtukgóy akán tuku nitlán amajláy lachu akán tachiki tiyat, akan stáknanán chu akán tanuyachi chuchut, xawa akán niku tsuku Ihkunanán laki wakg chakatsiya natatawiláy nitu naka'okgpuláy.

Kinin lakchaján na kmakgtayanina nakinpulatamatkán akán tuku nitlan lama, naklakgmaxtuputuna kilatamatkán xawa xlakinkamankán chu xliwakg kilitalakgapásnikán. Kinin lakchaján na kmaktanuya, na kmakgukxilha paraniku tuku nitlanwi namalakgaputsiputun kinpulatamatkán.

“kmatsujimanaw México anta niku nitu na’okgpulay”